



6. september 2013

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

1. Naalakkersuisut eqqartuussissuserisuat, Niels Hansen Damm, nassuiaammi danskisut allassimasup quppernerisa 12-ani allappoq: "Atorfinitsinneqarnermut isumaqatigiisummi takuneqarsinnaavoq, Andreas Salomony atorfininnermi nalaani 32-nik ukioqarsimasoq. Andreas Salmony taamaasilluni, uanga ilisimasakka naapertorlugit, Namminersornerullutik Namminersorlutillu Oqartussat oqaluttuarisaaneranni, inatsisunik atortitsinermit pisortani inuusunnersaavoq. Ataani atsiortoq isumaqarpoq, inuup taama inuusutsigisup taamatullu taama misilittagakitsigisup inatsisunik atortitsinermit pisortaaneq atorsaatigisimassagaa (...)

Naalakkersuisut uppersarsinnaanerlugu, Namminersornerullutik Oqartussat 2008-mi atorfinitsissimmammassuk, inatsisunik atortitsinermit pisortaq, Søren Volder, taamani 30-nik ukioqartoq?

2. Eqqumiigaara eqqartuussissuserisoq akisussaassusilik taama annertutigisumik kinguneqartussamik misissuisup – inuusunnerminik misilittagakinnerminillu utoqqatsissuteqarsinnaanngitsup – nassuiaammimi inuttut isummani ilanngussimmamgit, paasiniaqqaallannguarnagu ilumut ilumoornerisoq. Nalunagu Namminersorlutik Oqartussani pissutsinut ilisimasakissutsi saqqummeriaannaasoq. Aamma nalunagu misissuinerup qanoq tagikitsiginera saqqummeriaannaasoq. Naalakkersuisut tassunga qanoq oqaasissaqarpat?

3. Naalakkersuisut misissuineq qanoq akilerpaat?
(Inatsisartunut ilaasortaq Palle Christiansen, Demokraatit)

Tungavilersuut:

Sermitsiaq/AG 2008-p 2008-mi oqaatigaa Namminersornerullutik Oqartussani taamani inatsisunik atortitsinermit pisortaasoq, Søren Volder, atorfinitsinneqarnermini 30-nik ukioqarsimasoq.

Minuttit tallimaanngitsulluunniit atorlugit paasissutissaq taanna qarasaasiami nassaarineqarsinnaavoq.

Apeqqutit akeqquneqarput tigusineraniit ullut sulliviit naliginnaasut qulit qaangiutsinnagit.